



Helse- og omsorgsdepartementet
Postboks 8011 Dep

0030 OSLO

Referanser:
Dykkar:
Vår: 15/1350 - 15/7617

Saksbehandlar:
Solrun Hauglum
solrun.hauglum@vaksdal.kommune.no

Dato:
07.12.2015

HØYRINGSVAR - RETT TIL OPPHOLD I SJUKEHEIM ELLER TILSVARANDE BUSTAD MED HEILDØGN TENESTER

Saka er behandla i Levekårsutvalet 07.12.2015 - Sak 29/2015

Det er gjort slikt vedtak:

Vaksdal kommune vil gje følgjande høyringssvar:

Vaksdal kommune er positiv til at brukarane sine rettigheter vert styrka.

Kommunen har følgjande kommentarar til høyringsforslaget:

- Epikrise frå behandlande lege er også i dag eit viktig dokument ved tildeling av helsetenester. Det bør ikkje vera nødvendig å presisera dette for å sikra god behandling av søknad, god vurdering av behov og rett tildeling av helsetenester. Det bør også vera ein føresetnad at behandlande lege har svært godt kjennskap til kommunen sitt samla tenestetilbod dersom han / ho skal overprøva kommunen sitt vedtak.
- Høyringsforslaget ser i hovudsak ut til å omfatta eldre, og til å gjelda rett til buform. Kommunen vil presisera at også yngre kan ha trøng for bustad som er tilrettelagt for heildøgn tenester. Fleire eldre som søker om sjukeheimspllass, kan også ha stort utbyte av tilrettelegging av eigen bustad og av opptrening og rehabilitering. Dersom ein skal bidra til gode, forsvarlege og mest mogeleg likeverdige kommunale tenester, er det viktig at det ikkje vert einsidig fokus på ei aldersgruppe og på sjukeheim / bustad framfor andre tilbod og tenester.
- Vaksdal kommune stiller seg spørjande til om krav til venteliste vil vera eit positivt bidrag, eller om det vil bidra til unødig byråkratisering.



VAKSDAL KOMMUNE

- Kommunane skal tilpassa seg mange krav, og me har m. a. lagt om tenestetilbodet etter endringar som følgje av Samhandlingsreforma. Tal korttidsplassar er i fleire kommunar auka, og heimetenestene er godt utbygde. Det vert gitt helsehjelp i heimen som før 2012 vart gitt på sjukehus. Dette vert sett på som rett og ønskt utvikling, og som god måte å yta helsehjelp på både for brukarar, tilsette og kommuneøkonomien.

Rett utskrift:

Solrun Hauglum
Kommunalsjef helse og omsorg

Brevet er godkjent elektronisk og har difor ingen underskrift.

Mottakarar:

Helse- og omsorgsdepartementet